

## INSTITUTO ENERXÉTICO DE GALICIA

*Resolución do 27 de outubro de 2010 pola que se establecen as bases reguladoras para a concesión de subvencións, en réxime de concorrencia non competitiva, relativa ao Plan Renove de Fiestras, así como a selección de entidades colaboradoras que participarán na súa xestión, e se convocan para o ano 2010.*

A sensibilidade especial que para a cidadanía está a ter o uso racional da enerxía, calou de forma importante no enfoque das administracións públicas, que unanimemente están a actuar neste campo, prestando o seu apoio ás iniciativas que sobre aforro e eficiencia enerxética se están a desenvolver na actualidade.

O Instituto Enerxético de Galicia, contén xa na súa Lei de creación, Lei 3/1999, do 11 de marzo, unha referencia expresa ao fomento destas actividades, concretada a través do impulso das iniciativas e programas de aplicación das tecnoloxías enerxéticas, á mellora do aforro e a eficiencia enerxética, ao fomento do uso racional da enerxía e, en xeral, á óptima xestión dos recursos enerxéticos nos distintos sectores económicos de Galicia. Igualmente recolle a participación na xestión e prestación de servizos noutros campos sinérxicos ao enerxético, de acordo coas directrices do Goberno no ámbito das súas competencias.

En consonancia con todo isto, o Consello de Ministros, con data do 20 de xullo de 2007, aprobou un Plan de acción para o período 2008-2012, para o desenvolvemento da Estratexia de Aforro e Eficiencia Enerxética en España 2004-2012 (PAE4+), cumprindo así cos compromisos internacionais na materia.

Para o desenvolvemento dos referidos plans, o Ministerio de Industria, Turismo e Comercio e o Instituto para la Diversificación y Ahorro de la Energía (IDAE) deseñaron mecanismos de colaboración con todas as comunidades autónomas, que facilitan a articulación das medidas en todo o territorio estatal, tendo en consideración, ademais, as necesidades e obxectivos de cada comunidade en razón ás súas propias peculiaridades, e ao seu ámbito competencial. Neste sentido, asinouse entre o IDAE e o Instituto Enerxético de Galicia, con data do 3 de xullo de 2008, o convenio de colaboración para a execución das actuacións de aforro e eficiencia enerxética establecidas no marco do Plan de acción 2008-2012 da Estratexia de Aforro e Eficiencia Enerxética (PAE4+).

No caso de Galicia e para o ano 2010, e segundo se establece no Plan de traballo aprobado con data do 20 de xullo de 2010 e modificado posteriormente, a cantidade asignada para esta actuación cífrase en 1.840.775 €.

Como un dos órganos encargado de desenvolver a política enerxética da Consellería de Economía e

Industria da Xunta de Galicia, o Instituto Enerxético de Galicia considera do máximo interese potenciar as actuacións de renovación das fiestras que leven consigo un aforro enerxético significativo en Galicia.

### DISPOÑO:

#### Artigo 1º.-*Obxecto.*

Esta resolución ten por obxecto establecer as bases reguladoras para a concesión de axudas dirixidas á rehabilitación dos ocos acristalados da fachada, tanto no referente ao acristalamento como aos marcos ou perfís, co fin de acadar melloras significativas na demanda enerxética do edificio e os conseguíntes aforros en termos económicos.

Por medio desta resolución convócanse as devanditas axudas para o ano 2010.

#### Artigo 2º.-*Réxime das subvencións.*

1. O procedemento de concesión destas subvencións tramitarase en réxime de concorrencia non competitiva, de acordo co establecido na Lei 9/2007, do 13 de xuño, de subvencións de Galicia, que no seu artigo 19.2º establece que as bases reguladoras das convocatorias de axudas poderán exceptuar do requisito de fixar unha orde de prelación entre as solicitudes presentadas que reúnan os requisitos establecidos cando, polo obxecto e finalidade da subvención, non sexa necesario realizar a comparación e prelación das solicitudes presentadas nun único procedemento ata o esgotamento do crédito orzamentario.

2. As subvencións reguladas nesta resolución impúntanse á conta contable 6565024, cun orzamento de 1.840.775 €, e atópanse financiadas ao 100% con fondos procedentes do convenio de colaboración suscrito entre o IDAE e o Inega con data do 3 de xullo de 2008, dentro do Plan de acción 2008-2012 (PAE4+) da estratexia de aforro e eficiencia enerxética en España.

3. As axudas reguladas nesta resolución, agás aquelas cuxos beneficiarios sexan particulares, entidade e institucións sen ánimo de lucro quen non podan levar a cabo actividades económicas que repercutan en terceiros, atópanse sometidas aos requisitos e cos límites establecidos no Regulamento comunitario nº 1998/2006, da Comisión, do 15 de decembro de 2006, relativo á aplicación dos artigos 87 e 88 do Tratado ás axudas *de minimis* (DOUE L 379, do 28 de decembro de 2006), en virtude do cal a contía global de axudas *de minimis* non poderá superar o límite de 200.000 euros nun período de tres exercicios fiscais. Polo que respecta ás axudas ás empresas que operan no sector do transporte por estrada este límite debería fixarse en 100.000 euros. Estes límites aplicaríanse independentemente da forma da axuda *de minimis* ou do obxectivo perseguido. O período determinarase tomando como referencia os dous exercicios fiscais anteriores e o exercicio

fiscal en curso, de acordo co establecido no artigo 2 do citado regulamento.

Artigo 3º.-*Actuacións e gastos subvencionables e contía das axudas.*

1. Será subvencionable a renovación de fiestras que separen estancias calefactadas do exterior pola compra de novas fiestras que cumpran coas seguintes especificacións técnicas:

-Dispor de marcaxe CE.

-Exixencias mínimas de eficiencia enerxética:

a) Opción A: carpintería de madeira ou PVC e acristalamento que cumpra algún dos seguintes requisitos:

a.1. Dobre acristalamento con cámara de 12 mm ou superior.

a.2. Dobre acristalamento con cámara de 6 mm ou superior e con cristal exterior baixo emisivo (con emisividade menor ou igual a 0,1).

b) Opción B: carpintería metálica con rotura de ponte térmica de 12 mm ou superior con dobre acristalamento con cámara de 6 mm ou superior e con cristal exterior baixo emisivo (con emisividade menor ou igual a 0,1).

-Dispoñer dunha persiana, contra ou cortinón completamente opaco capaz de cerrar toda a superficie da fiestra (non se admitirán persianas venecianas, cortinas translúcidas,...). Este elemento pode ser novo ou reutilizado da instalación anterior. Se é novo, o seu importe incluírase no investimento total do custo da obra.

O IVE (imposto sobre o valor engadido) será subvencionable para os particulares, entidades sen ánimo de lucro e administracións públicas para o cal será necesaria realizar unha declaración responsable (opción establecida no formulario de solicitude) indicando que o obxecto da subvención non se dedica nin se adscribe a ningunha actividade empresarial ou profesional ou, no caso de ser Administración pública, que non pode repercutir o IVE.

A renovación consistirá na substitución dunha fiestra existente por outra de igual ou inferior tamaño.

Será subvencionable a colocación dunha nova fiestra paralela á existente (dobre fiestra), sempre e cando esta nova fiestra satisfaga os requisitos enerxéticos citados.

As únicas portas subvencionables son as portas balcaneiras, é dicir, as que dan a un balcón ou terraza cerrados (non a patios, xardíns,...), sempre e cando separen estancias calefactadas do exterior.

Non son subvencionables:

-Os cerramentos acristalados que se instalen coa finalidade de pechar ambientes exteriores (terrazas e/ou tendedeiros), por non tratarse dunha renovación senón de modificacións na envolvente da vivenda.

-Os lucernarios de cuberta.

-As fiestras que se atopen nos pechamentos interiores das vivendas (fiestras interiores, fiestras de cuartos de baño interiores,...)

-A renovación de todas as portas, a excepción feita, das portas balcaneiras nos termos descritos anteriormente.

A contía da axuda ascenderá a un máximo de 100 euros/m<sup>2</sup>, cuns límites de 5.000 euros por vivenda unifamiliar e 100.000 euros en edificios do sector terciario. No caso, de que o beneficiario obtivese outras axudas relativas ao cambio de fiestras na mesma vivenda para a que solicita a axuda a través de convocatorias anteriores de plans renovas de fiestras, o límite máximo será de 10.000 euros por vivenda unifamiliar tendo en conta o sumatorio de todas as axudas otorgadas e solicitadas e 300.000 € en edificios do sector terciario, agás axudas outorgadas a empresas cuxo límite será de 200.000 euros (Regulamento (CE) nº 1998/2006, da Comisión de 15 de decembro relativo á aplicación dos artigos 87 e 88 do Tratado ás axudas *de minimis*).

En calquera caso, a cantidade da subvención non poderá ser superior ao 25% do custo total da obra.

2. Con carácter xeral, e de acordo co establecido no artigo 29 da Lei 9/2007, do 13 de xuño, de subvencións de Galicia, considéranse gastos subvencionables aqueles que de xeito indubitable respondan á natureza da actividade subvencionable.

Os gastos subvencionables deberán estar realizados e efectivamente pagados dentro da vixencia do Plan Renove de Fiestras.

En ningún caso o custo dos gastos subvencionables poderá ser superior ao valor do mercado.

3. En ningún caso serán subvencionables os gastos relativos a actuacións que xa foran obxecto de subvención nas anteriores campañas do Plan Renove de Fiestras.

Soamente se concederá unha subvención por solicitante e vivenda ou edificio do sector terciario (referencia catastral), a excepción da renovación de fiestras en vivendas ou edificios que foran obxecto de axuda en plans renove de fiestras de anos anteriores, e sempre que o solicitante execute unha actuación non subvencionada anteriormente. Neste caso a nova actuación si poderá ser subvencionable.

Artigo 4º.-*Concorrenza con outras axudas.*

1. O importe da subvención outorgada en ningún caso poderá ser de tal contía que, illadamente ou en concorrencia con outras subvencións ou axudas procedentes de calquera outra Administración ou de entes públicos ou privados, estatais, da Unión Europea ou doutros organismos internacionais, supere o 100% do investimento subvencionable. En todo caso, deberán respectarse as condicións estableci-

das para cada réxime de axudas na normativa que resulte de aplicación.

2. A obtención doutras axudas ou subvencións deberá comunicarse ao Instituto Enerxético de Galicia tan pronto como o interesado teña coñecemento e, en todo caso, con anterioridade á xustificación do investimento realizado.

3. O incumprimento do disposto neste artigo considerárase unha alteración das condicións tidas en conta para a concesión da axuda e poderá dar lugar á modificación da resolución de concesión nos termos previstos no artigo 20º destas bases reguladoras.

#### Artigo 5º.-*Vixencia do plan.*

1. O Plan entrará en vigor ao día seguinte da súa publicación no *Diario Oficial de Galicia* e rematará o día 29 de outubro de 2011 ou ata que se esgoten os fondos correspondentes.

#### Artigo 6º.-*Financiamento.*

A cantidade inicial destinada para esta convocatoria de axudas ascende a 1.840.775 euros. Eventualmente, esta cantidade poderá incrementarse como consecuencia da maior dispoñibilidade orzamentaria co fin de atender todas as solicitudes, e con partidas sobrantes da xestión do Convenio marco de colaboración entre o Inega e o IDAE, para a definición e posta en práctica das actuacións recollidas no Plan de acción 2008-2012, (PAE4+) da Estratexia de Aforro e Eficiencia Enerxética en España, en todo caso a concesión de axudas no exercicio 2011 queda condicionada á existencia de crédito axeitado e suficiente no momento da resolución de concesión.

De producirse esta ampliación de fondos unha vez esgotado o orzamento inicial, reabrírase o prazo de presentación das solicitudes, informando ás entidades colaboradoras adheridas mediante o correo electrónico de contacto, unha nota de prensa na páxina web [www.inega.es](http://www.inega.es), e a súa publicación no *Diario Oficial de Galicia*.

#### Artigo 7º.-*Entidades colaboradoras.*

Para os efectos desta resolución, poderán ser entidades colaboradoras as entidades privadas con personalidade xurídica, validamente constituídas, así como os empresarios individuais sempre que, en ambos os dous casos, teñan o seu domicilio social ou algún centro de traballo na Comunidade Autónoma de Galicia e que acrediten as condicións de solvencia técnica e económica que se establecen neste artigo.

Poderán adquirir a condición de entidade colaboradora aquelas entidades que reúnan os requisitos establecidos neste artigo e que o soliciten nos prazos que se indican, contados a partir do día seguinte ao da publicación desta resolución no *Diario Oficial de Galicia*.

As entidades colaboradoras seleccionaranse de acordo co procedemento que se establece no artigo 8º destas bases, con suxeición á normativa que resulte de aplicación.

De conformidade coa Lei 9/2007, do 13 de xuño, de subvencións de Galicia, as entidades colaboradoras deberán formalizar o convenio de adhesión entre elas e o Instituto Enerxético de Galicia, no que se regularán as condicións e obrigas asumidas por aquelas, que figuran no anexo III desta resolución. O dito convenio posuirá o contido mínimo previsto no artigo 13 da Lei de subvencións.

En orde a solvencia técnica e económica, as entidades colaboradoras deberán estar inscritas nunha epígrafe do imposto de actividades económicas relacionado coa instalación de fiestras e deberán dispor dos medios tecnolóxicos precisos que garantan o acceso á aplicación informática habilitada para a xestión de selección de entidades colaboradoras e para a tramitación das solicitudes de axuda, así coma, a utilización de medios electrónicos nas comunicacións entre as entidades colaboradoras e o Inega. As características técnicas exixibles poderán consultarse na páxina web do Inega ([www.inega.es](http://www.inega.es), Plan Renove de Fiestras 2010).

As entidades colaboradoras terán como cometido servir de enlace entre os beneficiarios das accións subvencionables e o Inega, nos seguintes termos:

-Comprobación inicial dos requisitos dos solicitantes da axuda.

-Realización ante o Inega dos trámites para solicitar a axuda.

-Desenvolvemento das accións vinculadas.

-Xustificación da axuda e a súa certificación ante o Inega.

Son obrigas das entidades colaboradoras, sen prexuízo do disposto no artigo 12 da Lei 9/2007, do 13 de xuño, de subvencións de Galicia:

a) Encontrarse ao día no pagamento das obrigas coa Facenda pública do Estado, da Administración autónoma así como coa Seguridade Social.

b) Someterse ás actuacións de inspección e control que o Inega poida efectuar respecto á xestión destas axudas, e que permitan a xustificación financeira perante a Intervención Xeral da Comunidade Autónoma e o Tribunal de Contas, así como as comprobacións previstas na lexislación do Consello de Contas, de acordo co establecido na liña d) do artigo 12 da Lei 9/2007, do 13 de xuño, de subvencións de Galicia.

c) Dar a adecuada publicidade do carácter público do cofinanciamento en todas as actuacións que deriven da execución do proxecto, en cumprimento do artigo 15.3º da Lei 9/2007, de subvencións de Galicia. En concreto, deberán facer constar, na súa publicidade ou na información que xeren en relación co proxecto subvencionado, o cofinanciamento pola Xunta de Galicia a través do Inega e, se é o caso, o cofinanciamento con fondos do IDAE no marco do Convenio do 3 de xullo de 2008.

d) Conservar os xustificantes orixinais e o resto da documentación relacionada coa axuda outorgada durante un período de cinco anos desde a súa concesión, e deberán restituír a subvención outorgada nos casos en que conorra causa de reintegro.

As entidades colaboradoras adheridas ao Plan Renove de Fiestras asumirán os seguintes compromisos:

1. Mostrar nun lugar visible o logotipo da iniciativa e os soportes publicitarios facilitados e informar sobre esta, así como retirar os logos e a publicidade unha vez peche o plan. Así mesmo, poderán incorporar na publicidade propia os logotipos do Plan Renove de Fiestras que se lle facilitarán para tal efecto. Na información comercial e publicitaria debe figurar obrigatoriamente de forma diferenciada o prezo antes e despois da subvención con cargo ao Plan renove 2010.

2. Cubrir convenientemente os formularios de solicitude de axuda, incorporando os datos á aplicación informática habilitada para o efecto, e comprobar que o solicitante cumpre co establecido no 9º (beneficiarios das axudas).

3. Vender no marco da iniciativa só as fiestas que cumpran coas condicións establecidas no artigo 3º destas bases.

4. Instalar as fiestas no prazo de 120 días naturais desde o día seguinte a reserva dos fondos, retirar as existentes e presentar no Inega a documentación que xustifique a instalación.

5. Aplicar os descontos correspondentes á subvención conforme as bases.

6. Facilitarlle ao cliente a instalación da fiestra adquirida.

7. Facilitarlle ao Inega canta información e documentación precise para verificar a correcta aplicación das subvencións.

8. Cumprir coa normativa establecida para o desenvolvemento do Plan Renove de Fiestras.

#### Artigo 8º.-Adhesión de entidades colaboradoras.

1. Existirán dous procesos de adhesión diferenciados:

a) Adhesión simplificada (renovación de entidades colaboradoras).

Esta forma de adhesión vai dirixida exclusivamente a entidades colaboradoras adheridas ao convenio do Plan Renove de Fiestras 2009 e que desexen volver a adherirse ao convenio do Plan Renove 2010.

O prazo para a adhesión simplificada, incluída, se é o caso, a presentación da documentación que xustifique as modificacións, será de 15 días hábiles desde o comezo da vixencia do Plan Renove de Fiestras 2010.

a.1) Solicitudes e documentación.

As entidades colaboradoras interesadas na adhesión simplificada deberán entrar na aplicación infor-

mática do Plan Renove de Fiestras 2010 dispoñible na páxina web do Inega, [www.inega.es/planrenove-fiestras2010](http://www.inega.es/planrenove-fiestras2010) e sinalar no recadro correspondente o seu desexo de adherirse ao convenio do ano 2010.

Para acceder a aplicación informática e solicitar a adhesión simplificada, utilizarán o usuario e a contrasinal otorgada polo Inega na adhesión do ano 2009. No caso de que algunha entidade non lembre a clave deberá enviar un correo electrónico a [renovefiestas1@inega.es](mailto:renovefiestas1@inega.es). O usuario e o contrasinal anterior son necesarios para poder crear solicitudes de axuda, tendo en conta que non se poderán crear ata que non estean adheridas ao Plan Renove de Fiestras 2010, segundo o establecido no punto a.5) deste artigo.

A entidade imprimirá dous exemplares do convenio de colaboración, e os remitirá asinados polo representante legal da entidade, ao Inega, así como, se é o caso, achegará a documentación necesaria para actualizar ou modificar os datos da entidade.

Toda a información da entidade que deba ser modificada ou actualizada, con relación ao compromiso de adhesión do ano anterior, deberá ser xustificada documentalmentemente cos mesmos documentos requiridos no proceso de adhesión ordinaria. Esta documentación presentarase en soporte papel ante o rexistro do Instituto Enerxético de Galicia, sito na rúa Avelino Pousa Antelo, número 5, CP 15703, Santiago de Compostela (A Coruña); ou ben no rexistro de calquera outro órgano da Administración xeral do Estado, das comunidades autónomas ou das entidades que integran a Administración local, sempre que neste último caso se teña subscrito o oportuno convenio, ou polos restantes medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

a.2) Emenda.

De conformidade co establecido no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, se a solicitude non reúne os requisitos exixidos, requirirase á entidade colaboradora, para que, nun prazo de 10 días hábiles, emende a falta ou presente os documentos preceptivos exixidos, con indicación de que, de non facelo así, se lle terá por desistido da súa petición, previa resolución que deberá ser ditada nos termos previstos no artigo 42 da devandita Lei 30/1992.

Igual requirimento se efectuará por parte do Inega no suposto de resultado negativo da consulta cos seguintes organismos: Axencia Estatal da Administración Tributaria (AEAT); Tesouraría Xeral da Seguridade Social; Consellería de Facenda; Rexistro Mercantil e outros rexistros públicos.

De conformidade coa Lei 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7 en can-

to á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta á disposición da notificación, transcorren 10 días naturais sen que se acceda ao seu contido, entenderase que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, salvo que de oficio ou a instancia do destinatario se comprobe a imposibilidade técnica ou material de acceso.

#### a.3) Instrución do procedemento e audiencia.

Logo de revisar as solicitudes e as emendas feitas, e inmediatamente antes da resolución, porase de manifesto aos interesados para que, nun prazo de dez días hábiles, poidan formular alegacións e presentar os documentos e xustificacións que estimen pertinentes.

Porén, poderase prescindir do trámite ao que se refire o parágrafo anterior cando non figuren no procedemento nin se vaian ter en conta na resolución outros feitos nin outras alegacións ou probas que as aducidas polo interesado.

#### a.4) Competencia.

É competente para a instrución do procedemento de selección de entidades colaboradoras o director do Departamento de Secretaría e Servizos Xerais do Inega; e para a súa resolución o director do Inega que resolverá por delegación do Consello de Administración.

#### a.5) Resolución.

O prazo máximo para resolver sobre as adhesións simplificadas é de 15 días hábiles, contados desde a presentación da documentación no Inega. Pasado o devandito prazo os solicitantes poderán entender desestimadas as súas solicitudes por silencio administrativo.

Aqueles expedientes que reúnan todos os requisitos e a documentación necesaria serán adheridos ao Plan Renove de Fiestras 2010. A devandita adhesión será notificada a través da aplicación informática establecendo a seguinte mensaxe: «entidade adherida».

#### a.6) Notificación das resolucións.

Todas as resolucións serán notificadas de acordo co establecido na Lei 30/1992, do 26 de novembro, de réxime xurídico das administracións públicas e do procedemento administrativo común.

De conformidade coa Lei 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7º en canto á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta á disposición da notificación, haxan transcorridos 10 días naturais sen que se acceda ao seu

contido, entenderase que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, salvo que de oficio ou por instancia do destinatario se comprobe a imposibilidade técnica ou material de acceso.

Ademais, a adhesión destas entidades colaboradoras será obxecto de publicación no *Diario Oficial de Galicia*.

#### a.7) Réxime de recursos.

As resolucións ditadas ao abeiro desta resolución de convocatoria poñen fin á vía administrativa e contra elas poderán interperse recurso contencioso-administrativo, ante os xulgados do contencioso-administrativo, no prazo de dous meses contados desde o día seguinte á recepción da notificación da resolución ou de 6 meses contados a partir do día seguinte a aquel no que se produza o acto presunto.

Potestativamente, poderá interperse recurso de reposición ante o director do Inega no prazo dun mes, desde o día seguinte ao da recepción da notificación da resolución ou 3 meses contados a partir do día seguinte a aquel no que se produza o acto presunto, segundo o establecido na Lei de réxime xurídico das administracións públicas.

b) Adhesión ordinaria (alta de novas entidades colaboradoras).

Esta forma de adhesión vai dirixida ás entidades colaboradoras que non estivesen adheridas ao convenio do ano 2009, e poderán presentarse durante toda a vixencia do Plan renove de fiestras 2010.

As entidades colaboradoras que participaron no convenio do ano 2009 que non puidesen adherirse polo proceso simplificado sempre terán a opción de adherirse polo procedemento ordinario.

O procedemento de adhesión ordinaria será o seguinte:

#### b.1) Solicitudes e documentación.

Os formularios das solicitudes e do convenio de adhesión como entidade colaboradora cubriranse obrigatoriamente a través da aplicación informática creada para tal efecto. O devandito enlace para acceder á aplicación publicarase na web do Inega [www.Inega.es](http://www.Inega.es).

Ao cubrir a través da aplicación informática a solicitude de adhesión, facilitarase aos solicitantes, automaticamente e mediante correo electrónico, o usuario e o contrasinal, necesario para poder crear solicitudes de axuda, tendo en conta que non poderán crear solicitudes de axuda ata que non estén adheridas ao Plan Renove de Fiestras 2010, segundo o establecido no indicado no punto b.5) deste artigo.

O formulario da solicitude e o convenio de colaboración, unha vez cuberto a través da aplicación informática, imprimirase e presentarase por duplica-

do e debidamente asinado e selado polo representante legal da entidade, xunto coa documentación establecida neste artigo, ante o rexistro do Instituto Enerxético de Galicia, sito na rúa Avelino Pousa Antelo, nº 5, CP 15703, Santiago de Compostela (A Coruña); ou ben no rexistro de calquera outro órgano da Administración xeral do Estado, das comunidades autónomas ou das entidades que integran a Administración local, sempre que neste último caso se teña subscrito o oportuno convenio, ou polos restantes medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

O formulario de solicitude para adherirse como entidade colaboradora, segundo o modelo establecido no anexo I (que se publicará no *Diario Oficial de Galicia* exclusivamente para os efectos informativos), conterá os seguintes datos:

- a) Identificación da entidade.
- b) Identificación do representante legal da entidade colaboradora.
- c) Declaración expresa de coñecer o contido destas bases e do convenio e que cumpre cos requisitos establecidos neles.
- d) Declaración expresa de ter o domicilio social ou centro de traballo na Comunidade Autónoma de Galicia.
- e) Declaración expresa da solvencia técnica e económica segundo o establecido no artigo 7º das bases reguladoras.
- f) Declaración expresa de consentimento da utilización de medios electrónicos na comunicación entre as entidades colaboradoras e o Inega segundo o establecido no artigo 27 da Lei 11/2007, do 22 de xuño, de acceso electrónico dos cidadáns aos servizos públicos.
- g) Declaración expresa de non atoparse incurso en ningunha das prohibicións para obter a condición de entidade colaboradora recollidas nos números 2º e 3º do artigo 10 da Lei 9/2007, do 13 de xuño, de subvencións de Galicia.
- h) Declaración expresa de que non actuará como entidade colaboradora daquelas persoas físicas ou xurídicas de dereito público ou privado, que queiran acceder á axuda e que se atopen vinculados con ela ou cos seus órganos directivos ou xestores, nin cando concorran nelas ningunha das prohibicións previstas no número 7º do artigo 27 da Lei 9/2007, e no número 2º do artigo 43 do seu regulamento de desenvolvemento.
- i) Compromiso de comunicación de calquera variación que poida acontecer nos datos recollidos nos documentos achegados.
- j) Autorización ao órgano xestor para que recabe a información necesaria para coñecer se o solicitante

está ao día nas súas obrigas coa Axencia Estatal da Administración Tributaria, coa Tesouraría da Seguridade Social ou coa facenda da Administración da Comunidade Autónoma de Galicia. De non dar a autorización para a comprobación anterior, deberá presentar certificación xustificativa de estar ao día coas súas obrigas cos organismo sinalados anteriormente.

k) Autorización ao órgano xestor para que recabe certificado emitido pola Axencia Tributaria onde se especifiquen os IAE nos que a entidade está dada de alta para este ano. De non dar a autorización para a comprobación do mencionado anteriormente, deberá presentar certificación xustificativa onde se especifiquen os IAEs nos que está inscrito.

A documentación que debe achegarse ao formulario da solicitude é a seguinte:

1. Copia do NIF da entidade colaboradora en vigor.
  2. Copia orixinal ou compulsada do documento acreditativo de poder suficiente.
  3. Certificación orixinal ou copia compulsada, expedida pola entidade bancaria da titularidade da conta onde se realizarán os ingresos á entidade colaboradora.
  4. Fotocopia do último recibo del Impuesto de Actividades Económicas (IAE) ou, se é o caso, declaración xurada de exención de pagamento.
- b.2) Emenda.

De conformidade co establecido no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, se a solicitude non reúne os requisitos exixidos, requirirase á entidade colaboradora, para que, nun prazo de 10 días hábiles, emende a falta ou presente os documentos preceptivos exixidos, con indicación de que, de non facelo así, se lle terá por desistido da súa petición, logo de resolución que deberá ser ditada nos termos previstos no artigo 42 da devandita lei.

Igual requirimento se efectuará por parte do Inega no suposto de resultado negativo da consulta cos organismos seguintes: Axencia Estatal da Administración Tributaria(AEAT); Tesouraría Xeral da Seguridade Social; Consellería de Facenda; Rexistro Mercantil e outros rexistros públicos.

De conformidade coa Lei 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7º en canto á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta a disposición da notificación, transcorresen 10 días naturais sen que se acceda ao seu contido, entenderase que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo

común, salvo que de oficio ou por instancia do destinatario se comprobe a imposibilidade técnica ou material de acceso.

#### b.3) Instrución do procedemento e audiencia.

Logo de revisar as solicitudes e as emendas feitas, e inmediatamente antes da resolución, porase de manifesto aos interesados para que, nun prazo de 10 días hábiles, poidan formular alegacións e presentar os documentos e xustificacións que estimen pertinentes.

Porén, poderase prescindir do trámite ao que se refire o parágrafo anterior cando non figuren no procedemento nin se vaian ter en conta na resolución outros feitos nin outras alegacións ou probas que as aducidas polo interesado.

#### b.4) Competencia.

É competente para a instrución do procedemento de selección de entidades colaboradoras o director do Departamento de Secretaría e Servizos Xerais do Inega; e para a súa resolución o director do Inega que resolverá por delegación do Consello de Administración.

#### b.5) Resolución.

O prazo máximo para resolver sobre as adhesións ordinarias é de 15 días hábiles, contados desde a presentación da documentación no Inega. Pasado o devandito prazo os solicitantes poderán entender desestimadas as súas solicitudes por silencio administrativo.

Aqueles expedientes que reúnan todos os requisitos e a documentación necesaria serán adheridos ao Plan Renove de Fiestras 2010. A devandita adhesión será notificada a través da aplicación informática establecendo a seguinte mensaxe: «entidade adherida».

#### b.6) Notificación das resolucións.

Todas as resolucións serán notificadas de acordo co establecido na Lei 30/1992, do 26 de novembro, de réxime xurídico das administracións públicas e do procedemento administrativo común.

De conformidade coa Lei 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7º en canto á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta a disposición da notificación, transcorresen 10 días naturais sen que se acceda ao seu contido, entenderase que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, salvo que de oficio ou por instancia do destinatario se comprobe a imposibilidade técnica ou material de acceso.

Ademais, a adhesión destas entidades colaboradoras será obxecto de publicación no *Diario Oficial de Galicia*.

#### b.7) Réxime de recursos.

As resolucións ditadas ao abeiro desta resolución de convocatoria poñen fin á vía administrativa e contra elas poderán interporse recurso contencioso-administrativo, ante os xulgados do contencioso-administrativo, no prazo de dous meses contados desde o día seguinte ao da recepción da notificación da resolución ou de 6 meses contados a partir do día seguinte a aquel no que se produza o acto presunto.

Potestativamente, poderá interporse recurso de reposición ante o director do Inega no prazo dun mes, desde o día seguinte ao da recepción da notificación da resolución ou 3 meses contados a partir do día seguinte a aquel no que se produza o acto presunto, segundo o establecido na Lei de réxime xurídico das administracións públicas e do procedemento administrativo común.

#### Artigo 9º.-Beneficiarios.

Poderán ser beneficiarios das subvencións as persoas físicas e xurídicas de dereito público ou privado, propietarios de vivendas ou edificios do sector terciario sempre que a actuación subvencionable descrita no artigo 3º se realice en vivendas ou edificios terciarios da súa titularidade sitos na Comunidade Autónoma de Galicia. No caso de persoas xurídicas de dereito público ou privado deberán ter o domicilio social ou algún centro de traballo en Galicia. No caso de que unha comunidade de veciños se poña de acordo para renovar as fiestras do edificio, a axuda solicitarase individualmente por vivenda.

Para ser beneficiario da subvención terá que tramitar a súa solicitude a través dalgunha das entidades colaboradoras adheridas que se publiquen no *Diario Oficial de Galicia*.

Non poderán obter a condición de beneficiarios, as persoas físicas ou xurídicas nas que conorra algunha das circunstancias previstas no artigo 10.2º y 3º de la Lei 9/2007, do 13 de xuño, de subvencións de Galicia e na súa normativa de desenvolvemento.

Os beneficiarios obríganse a facilitar canta información lles sexa requirida polo Inega no exercicio das súas funcións de fiscalización do destino das axudas.

Son obrigas dos beneficiarios, sen prexuízo do disposto no artigo 11 da Lei 9/2007, do 13 de xuño, de subvencións de Galicia as seguintes:

a) As descritas no artigo 7º letras a), b), c) e d), obrigas comúns ás entidades colaboradoras.

b) Realizar a actividade ou adoptar o comportamento que fundamente a concesión da subvención.

c) Proporcionarlle á entidade colaboradora todos os documentos necesarios para poder tramitar as axudas establecidas nestas bases, así como acreditar os requisitos ou condicións que determinen a concesión da axuda, no prazo sinalado na convocatoria ou,

excepcionalmente o que se sinala na resolución, cando esta sexa consecuencia da estimación dun recurso.

d) Acreditar ante a entidade colaboradora, con anterioridade a ditarse a proposta de resolución de concesión, así como antes das correspondentes propostas de pagamento, que está ao día nas súas obrigas tributarias estatais e autonómicas e da Seguridade Social e que non ten pendente de pagamento ningunha outra débeda, por ningún concepto, coa Administración pública da Comunidade Autónoma.

e) Realizar o pagamento das facturas emitidas pola entidade colaboradora antes da data de xustificación establecida no artigo 10º. O pagamento corresponderá ao investimento total da renovación descontando a axuda outorgada polo Inega.

Artigo 10º.-*Procedemento para acceder ás axudas.*

O procedemento estrutúrase en dúas fases:

a) Rexistro de operacións:

1. O comprador dirixirase a unha entidade colaboradora adherida a esta iniciativa e elixirá unha carpintaría que cumpra os requisitos mínimos exixidos no artigo 3º destas bases.

2. Unha vez adquirida a carpintaría, a entidade colaboradora adherida cubrirá o formulario de solicitude de axuda (ver anexo II), mediante a aplicación informática habilitada para o efecto. Cando a aplicación informática reflicte o estado Reservada significa que existen fondos reservados, indicando a contía da axuda solicitada ao Inega. Neste estado xa non se poderán modificar os datos e, en caso que sexa necesario modificalos pola existencia dalgún erro, deberase enviar un correo a [renovfiestras1@inega.es](mailto:renovfiestras1@inega.es), solicitando a cancelación da solicitude. Unha vez cancelada polo Inega e notificada a dita cancelación, a entidade colaboradora poderá cubrir un novo formulario de solicitude de axuda.

3. Poderán reservarse os fondos a partir dos 30 días hábiles contados desde o seguinte ao da publicación no *Diario Oficial de Galicia* deste plan e ata o esgotamento de crédito ou ata a data de finalización do Plan Renove de Fiestras, previsto no artigo 5º destas bases.

b) Solicitude de axuda e xustificación da actuación:

1. O comprador asinará o formulario de solicitude de axuda, por triplicado, dando a súa conformidade a esta. O comprador quedarase cun exemplar, a entidade colaboradora con outro e remitirase o terceiro asinado polo comprador e pola entidade colaboradora, ao Inega, coa documentación xustificativa da actuación subvencionable.

2. Colocada a carpintaría, a entidade colaboradora adherida procederá a cobrar o prezo resultante de restarlle ao investimento total da obra (IVE incluído) o desconto da axuda establecida no artigo 3º, tal e como se especifica no anexo II destas bases e se indica no exemplo que figura na páxina web deste organismo público ([www.inega.es](http://www.inega.es)).

3. Nos 120 días naturais desde o día seguinte ao da data da reserva dos fondos a través da aplicación informática e polo tanto da cobertura do formulario de solicitude de axuda, a entidade colaboradora remitirá ao Inega a seguinte documentación xustificativa da execución da actuación subvencionable, consistente en:

-Unha lista coas solicitudes realizadas e executadas das que achega a documentación.

-O citado formulario de solicitude da axuda asinado polo comprador e pola entidade colaboradora.

-Copia do NIF vixente do beneficiario.

-No suposto de que o beneficiario sexa unha persoa xurídica, ademais deberá presentar copia compulsada das escrituras de constitución da entidade así como o poder do representante legal desta.

-Xustificante orixinal ou copia compulsada do marcaxe CE da fiestra, entregándose a marcaxe CE de cada unidade de fiestra colocada ou a declaración CE de conformidade.

-Orixinal ou copia compulsada da factura xustificativa do cobramento do investimento realizado emitida despois da colocación da carpintaría, coas seguintes formalidades:

A factura deberá estar asinada e selada pola entidade colaboradora. No corpo da factura debe describirse o tipo de carpintaría colocada, características do acristalamento, dimensión e número das fiestras instaladas.

A factura debe reflectir con claridade a data de emisión, o nome e o NIF do beneficiario, enderezo onde se realiza a obra, número da referencia catastral, así coma os seguintes conceptos: base imponible, IVE, total da base imponible máis IVE, desconto do Plan Renove Fiestras do Inega e o total a pagar polo beneficiario (datos calculados na aplicación informática).

Non se admitirán as facturas que non cumpran co indicado ou que se manipulen manualmente.

Na páxina web [www.inega.es](http://www.inega.es) publicarase un modelo orientativo de factura.

-Orixinal ou copia compulsada perfectamente lexible, sen emendas nin riscaduras, de xustificante bancario do pagamento realizado polo beneficiario (transferencia bancaria, xustificante bancario de ingreso efectivo por portelo ou certificación bancaria) en que conste a identificación da persoa que realiza o pagamento, que deberá coincidir co beneficiario da axuda, e a identificación da persoa, empresa ou entidade que recibe o pagamento, e o concepto do pagamento.

-Fotografías que reflicten a situación anterior e posterior do lugar onde se realiza a obra e que xustifiquen graficamente o cambio das fiestras.

4. A presentación da documentación xustificativa será ante o rexistro do Instituto Enerxético de Gal-

cia, sito na rúa Avelino Pousa Antelo, nº 5, CP 15703 Santiago de Compostela (A Coruña); ou ben no rexistro de calquera outro órgano da Administración xeral do Estado, das comunidades autónomas ou das entidades que integran a Administración local, sempre que neste último caso se teña subscrito o oportuno convenio, ou polos restantes medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. Cómpre a utilización da aplicación informática indicando a data de presentación da documentación no rexistro e se establecerá o estado Entregada. De non efectuarse esta operación nos 120 días naturais desde o día seguinte da reserva dos fondos, liberaranse os fondos automaticamente e reverterán nos fondos dispoñibles.

5. De conformidade co establecido no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, se a solicitude non reúne os requisitos exixidos, requirirase a entidade colaboradora, para que, nun prazo de 10 días hábiles, emende a falta ou presente os documentos preceptivos esixidos, con indicación de que, de non facelo así, se lle terá por desistido da súa petición, logo de resolución que deberá ser ditada nos termos previstos no artigo 42 da devandita lei.

Igual requirimento se efectuará por parte do Inega no suposto de resultado negativo da consulta cos seguintes organismos: Axencia Estatal da Administración Tributaria (AEAT) e Tesouraría Xeral da Seguridade Social e Consellería de Facenda.

De conformidade coa Lei 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7º en canto á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta á disposición da notificación, transcorresen 10 días naturais sen que se acceda ao seu contido, entenderase que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, salvo que de oficio ou por instancia do destinatario se comprobe a imposibilidade técnica ou material de acceso.

6. O Inega informará ás entidades colaboradoras adheridas, mediante un anuncio inserido na súa páxina web, da data de esgotamento dos fondos asignados para este programa de axudas, así como da reapertura do prazo de solicitude se se dan as circunstancias indicadas no artigo 6º desta resolución.

#### Artigo 11º.-*Xestión informática das axudas.*

As entidades colaboradoras poderán visualizar na aplicación informática o estado do rexistro das vendas, así como a súa posterior validación polo persoal do Inega, cando se reciba íntegra neste ente público a documentación xustificativa para a percepción das axudas.

A aplicación informática pola que se xestiona o plan indicará, polo menos, as seguintes posibles situacións da solicitude de axuda co significado que se indica en cada caso:

**Reservada:** existen fondos reservados indicando a contía da axuda solicitada ao Inega. Está pendente de que a entidade colaboradora imprima a solicitude e a envíe ao Inega xunto coa documentación xustificativa. Neste estado xa non se poden modificar os datos. Se no prazo de 120 días naturais non se presenta a documentación xustificativa, o rexistro das vendas cancelárase e liberáranse os fondos do devandito rexistro tal e como establece o artigo 10º b).

**Entregada:** a solicitude foi impresa, asinada polo comprador e polo representante da entidade colaboradora, e entregada, xunto coa documentación xustificativa, nun rexistro e está pendente de que o Inega reciba a documentación xustificativa e a valide.

**Validada:** esta solicitude xa foi recibida e validada polo Inega, polo que se inicia o procedemento de pagamento.

**Documentación incompleta ou errónea:** a documentación recibida polo Inega atópase incompleta ou é errónea, de xeito que, se non se emenda no prazo de 10 días hábiles desde o día seguinte ao da recepción da notificación de emenda, a solicitude cancelárase.

**Pagamento en trámite:** esta solicitude está en proceso de pagamento. Nos próximos días recibirá o ingreso na súa conta.

**Pagada:** informa de que a subvención solicitada xa foi aboada polo Inega.

**Cancelada:** esta solicitude foi cancelada por renuncia do solicitante, ou por non cumprir as bases do Plan Renove de Fiestras.

**Cancelada por prazo:** a solicitude cancelouse por non presentarse a documentación establecida no artigo 10º b) no prazo de 120 días naturais desde o día seguinte ao da data da reserva dos fondos.

#### Artigo 12º.-*Instrución do procedemento de concesión das axudas.*

A concesión das subvencións efectuarase respectando o rigoroso orde da reserva de fondos efectuada na aplicación informática, e ata o esgotamento do crédito dispoñible, sempre que cumpran os requisitos establecidos nestas bases.

Deberán ser obxecto de comunicación ao Inega aqueles rexistros de operacións que non poidan xustificarse nas condicións especificadas nestas bases ou aquelas nas que se renuncie á subvención concedida, para o efecto da anulación dos devanditos expedientes e a adopción, se é o caso, das medidas precisas para liberar os créditos correspondentes.

Non axustarse aos termos da convocatoria, así como a ocultación de datos, a súa alteración ou calquera outra manipulación da información será causa

de desestimación da solicitude, sen prexuízo do disposto nos artigos 50 e seguintes da Lei 9/2007, do 13 de xuño, de subvencións de Galicia.

A concesión destas axudas estará, en todo caso, condicionada á existencia de crédito orzamentario, e, no caso de esgotamento do crédito, a Administración deberá publicar no DOG e tamén na páxina web do Inega a devandita circunstancia, o que levará consigo a non admisión das solicitudes posteriores, sen prexuízo de que a Administración poida optar por incrementar o crédito orzamentario nos seguintes supostos:

- a) Xeración, ampliación ou incorporación de crédito.
- b) Existencia de remanentes doutras convocatorias financiadas con cargo ao mesmo crédito ou a créditos incluídos no mesmo programa.

#### Artigo 13º.-*Audiencia.*

Instruído o procedemento, e inmediatamente antes da resolución, porase de manifesto aos interesados para que, nun prazo de dez días hábiles, poidan formular alegacións e presentar os documentos e xustificacións que estimen pertinentes.

Porén, poderase prescindir do trámite ao que se refire o parágrafo anterior cando non figuren no procedemento nin se vaian ter en conta na resolución outros feitos nin outras alegacións ou probas que as aducidas polo interesado.

#### Artigo 14º.-*Competencia.*

O órgano competente para a instrución do procedemento de concesión de axudas será o director do Departamento de Secretaría e Servizos Xerais do Inega; e a súa resolución corresponderá ao director do Inega que resolverá por delegación do Consello de Administración.

#### Artigo 15º.-*Prazo máximo de resolución.*

O prazo máximo para resolver e notificar a resolución será de nove (9) meses contados desde a data do rexistro da venda na aplicación informática. Se transcorre o prazo máximo para resolver sen que recaese resolución expresa, os solicitantes poderán entender desestimadas as súas solicitudes por silencio administrativo, de conformidade co artigo 23.5º da Lei 9/2007, do 13 de xuño, de subvencións de Galicia.

#### Artigo 16º.-*Notificación das resolucións.*

Todas as resolucións serán notificadas de acordo co establecido na Lei 30/1992, do 26 de novembro, de réxime xurídico das administracións públicas e do procedemento administrativo común.

De conformidade coa Ley 11/2007, do 22 de xuño, de acceso electrónico dos cidadáns aos servizos públicos, e segundo o establecido no artigo 7º en canto á solvencia técnica das entidades colaboradoras, utilizaranse medios electrónicos para as notificacións, de maneira que, cando existindo constancia da posta a disposición da notificación, transcorresen 10 días naturais sen que se acceda ao seu contido, entenderá-

se que a notificación foi rexeitada cos efectos previstos no artigo 59 da Lei 30/1992, do 26 de novembro, de réxime xurídico das administracións públicas e do procedemento administrativo común, salvo que de oficio ou por instancia do destinatario se comprobe a imposibilidade técnica ou material de acceso.

As notificacións realizaranse ás entidades colaboradoras e estas terán a obriga de notificar aos beneficiarios das axudas.

#### Artigo 17º.-*Réxime de recursos.*

As resolucións ditadas ao abeiro desta resolución de convocatoria poñen fin á vía administrativa e contra elas poderán interperse recurso contencioso-administrativo, ante os xulgados do contencioso-administrativo, no prazo de dous meses contados desde o día seguinte ao da recepción da notificación da resolución ou de 6 meses contados a partir do día seguinte a aquel no que se produza o acto presunto.

Potestativamente, poderá interperse recurso de reposición ante o director do Inega no prazo dun mes, desde o día seguinte á recepción da notificación da resolución ou 3 meses contados a partir do día seguinte a aquel no que se produza o acto presunto, segundo o establecido na Lei de réxime xurídico das administracións públicas e do procedemento administrativo común.

#### Artigo 18º.-*Pagamento ás entidades colaboradoras.*

Cando se atope completa e correcta a documentación referida no artigo 10º, o Inega aboará á entidade adherida o importe correspondente, na conta bancaria facilitada para tal efecto na súa solicitude de adhesión.

#### Artigo 19º.-*Incumprimento, reintegro e sancións.*

1. O Inega resérvase o dereito de realizar cantas comprobacións, inspeccións e demais medidas de control se estimen oportunas para velar pola correcta aplicación dos recursos públicos, e os beneficiarios someteranse ás actuacións de control que realice o Instituto Enerxético de Galicia para o seguimento dos proxectos aprobados e ás de control financeiro que correspondan á Intervención Xeral da Comunidade Autónoma, ás actuacións de comprobación previstas na lexislación do Tribunal de Contas e do Consello de Contas, así como, de ser o caso, ás dos servizos financeiros da Comisión Europea e do Tribunal de Contas Europeo.

Se no curso destas verificacións se detectase que os beneficiarios da subvención ou as entidades colaboradoras adheridas incumpriron algunha das condicións establecidas no Plan Renove de Fiestras, resolverase a adhesión, o que implicará a perda dos beneficios e, de ser o caso, a obriga de reintegrarlle ao Inega as cantidades obtidas indebidamente cos xuros legais que correspondan, sen prexuízo das accións legais e sancións que correspondan.

2. Cando se realizaran descontos por parte dos instaladores adheridos en concepto de axuda obxecto deste plan a titulares dunha solicitude e se compro-

bara posteriormente por parte do Inega que non se cumpriron as condicións establecidas para recibir a devandita axuda por parte dos beneficiarios ou, se é o caso, que houbera incumprimentos por algunha entidade colaboradora das bases da convocatoria, a entidade asumirá os devanditos descontos, non podendo reclamálos ao Inega.

Ademais, o incumprimento por parte dunha entidade colaboradora adherida consistente en aprazar o pagamento da axuda ao cliente final ata despois de que o Inega llo ingrese a el, en lugar de descontalo no momento do pagamento, suporá o incumprimento destas bases coas consecuencias previstas neste artigo.

3. Efectuado o pagamento das subvencións polo Inega, o incumprimento das obrigas contidas nestas bases reguladoras ou na demais normativa aplicable, así como das condicións que, se é o caso, se establezan na resolución de concesión, dará lugar á obriga de devolver total ou parcialmente a subvención percibida, así como os xuros de demora correspondentes.

4. Para facer efectiva a devolución á que se refire o punto anterior tramitarase o oportuno procedemento de reintegro, que se axustará ao previsto no título II da Lei 9/2007, do 13 de xuño, de subvencións de Galicia, e ás súas normas de desenvolvemento.

5. Ás entidades colaboradoras e aos beneficiarios da subvención reguladas nestas bases seralles de aplicación o réxime de infraccións e sancións previsto no título IV da Lei 9/2007, do 13 de xuño, de subvencións de Galicia.

#### Artigo 20º.-*Modificación da resolución.*

Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

#### Artigo 21º.-*Control.*

1. O Instituto Enerxético de Galicia poderá facer as actividades de inspección que considere oportunas para controlar o cumprimento das subvencións.

2. Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño, de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas, así como, se é o caso, aos dos servizos financeiros da Comisión Europea e do Tribunal de Contas Europeo.

#### Artigo 22º.-*Publicidade.*

De conformidade co establecido no artigo 15 da Lei 9/2007, do 13 de xuño, de subvencións de Galicia, estas bases publicaranse no *Diario Oficial de Galicia* e na páxina web do Instituto Enerxético de Galicia,

(www.Inega.es) nos termos previstos no artigo 13.4º da Lei 4/2006, de 30 de xuño, de transparencia e boas prácticas na Administración pública galega.

No prazo máximo de tres meses contados desde a data de resolución, publicarase no *Diario Oficial de Galicia* a relación de subvencións concedidas, con indicación da norma reguladora, beneficiario, crédito orzamentario, contía e finalidade da subvención.

Non obstante o anterior, cando os importes das subvencións concedidas, individualmente consideradas, sexan de contía inferior a 3.000 euros, non será necesaria a publicación no *Diario Oficial de Galicia*, que será substituída pola publicación das subvencións concedidas na páxina web do Instituto Enerxético de Galicia.

#### Artigo 23º.-*Protección de datos de carácter persoal.*

De acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións, convenios e de sancións da Xunta de Galicia, a persoa física solicitante da subvención consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, no devandito rexistro, feito que terá lugar agás nos supostos legalmente establecidos, todo isto consonte o establecido na Lei orgánica 15/1999, do 13 de decembro, de protección de datos de carácter persoal, e na Lei orgánica 1/1982, do 5 de maio, pola que se regula a protección civil do dereito á honra, á intimidade persoal e familiar e á propia imaxe.

A devandita autorización esténdese á cesión dos seus datos persoais ao IDAE, á entidade financeira na que se aboe o pagamento das axudas, ao *Diario Oficial de Galicia* e as demais cesións previstas na lei.

O solicitante poderá exercer os seus dereitos de acceso, rectificación, cancelación e oposición no enderezo do Instituto Enerxético de Galicia sito na rúa Avelino Pousa Antelo, nº 5, CP 15703 Santiago de Compostela (A Coruña).

#### Artigo 24º.-*Remisión normativa.*

Para todo o non previsto nestas bases aplicarase o previsto na Lei 9/2007, do 13 de xuño, de subvencións de Galicia; no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia; no Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia; na Lei 30/1992, de 26 de novembro, de réxime xurídico das administracións públicas e do procedemento administrativo común; así como no resto da normativa que resulte de aplicación.

Santiago de Compostela, 27 de outubro de 2010.

Eliseo Diéguez García  
Director do Instituto Enerxético de Galicia



**XUNTA DE GALICIA**  
CONSELLERÍA DE ECONOMÍA  
E INDUSTRIA

Avelino Pousa Antelo nº 5 (San Lázaro)  
15703 Santiago de Compostela  
Tlf: 981 54 15 00



GOBIERNO DE ESPAÑA  
MINISTERIO DE INDUSTRIA, TURISMO Y COMERCIO

IDA Instituto para la Diversificación y Ahorro de la Energía



## ANEXO I

PROCEDEMENTO <b>ADHESIÓN AO PLAN RENOVE DE FIESTRAS 2010</b>	CÓDIGO DO PROCEDEMENTO <b>IN412A</b>	DOCUMENTO <b>SOLICITUDE</b>
---	---	--------------------------------

NOME DA ENTIDADE COLABORADORA		NIF
<input type="text"/>		<input type="text"/>
ENDEREZO	PROVINCIA	
<input type="text"/>	<input type="text"/>	
IAE		
<input type="text"/>		
CONCELLO	COMARCA	CÓDIGO POSTAL
<input type="text"/>	<input type="text"/>	<input type="text"/>
CADEA OU GRUPO EMPRESARIAL	ASOCIACIÓN COMERCIAL Á QUE PERTENCE	
<input type="text"/>	<input type="text"/>	
No caso de dispoñer de varios puntos de venda na Comunidade Autónoma de Galicia, deberá presentar un anexo de adhesión para cada un dos puntos de venda.		
REPRESENTANTE DA ENTIDADE		TELÉFONO DO REPRESENTANTE
<input type="text"/>		<input type="text"/>
PERSOA DE CONTACTO		CARGO
<input type="text"/>		<input type="text"/>
CORREO ELECTRÓNICO	TELÉFONO	FAX
<input type="text"/>	<input type="text"/>	<input type="text"/>
CONTA CORRENTE NA QUE DESEXA RECIBIR A AXUDA (20 DÍXITOS)		
<input type="text"/>	<input type="text"/>	<input type="text"/>

O solicitante consintente de modo expreso a incorporación e tratamento dos seus datos nos ficheiros informáticos de titularidade do Inega, coa finalidade de aplicar este programa de subvencións, así como para a realización de envíos informativos e de promoción que puideran resultar do seu interese. Do mesmo xeito, consintente de modo expreso que os seus datos poidan ser cedidos ao Inega para o seu uso con fins de envíos informativos ou promocionais e outras cesións previstas na Lei. O enchido dos cadros cos datos persoais ten carácter obrigatorio. O solicitante queda igualmente informado sobre a posibilidade de exercer os dereitos de acceso, rectificación, cancelación e oposición no enderezo do Inega Avelino Pousa Antelo nº 5, CP 15703 Santiago de Compostela, de acordo co artigo 5 da Lei orgánica 15/1999, de protección de datos de carácter persoal.

**A entidade colaboradora declara:**

- Que coñece o contido das bases e do convenio e que cumpre cos requisitos establecidos nelas.
- Que ten o domicilio social ou centro de traballo na Comunidade Autónoma de Galicia.
- Que posúe a solvencia técnica e económica segundo o establecido no artigo 7º das bases reguladoras. As características técnicas exixibles poderán consultar na páxina web do Inega ([www.inega.es](http://www.inega.es)).
- Que consintente a utilización de medios electrónicos na comunicación entre as entidades colaboradoras e o Inega segundo o establecido no artigo 27 da Lei 11/2007, do 22 de xuño, de acceso electrónico dos cidadáns aos servizos públicos.
- Que non se atopa incurso en ningunha das prohibicións para obter a condición de entidade colaboradora recollidas nos números 2º e 3º do artigo 10 da Lei 9/2007, do 13 de xuño, de subvencións de Galicia.
- Que se compromete á comunicación de calquera variación que poida acontecer nos datos recollidos nos documentos achegados.
- Que non actuará como entidade colaboradora daquelas persoas físicas ou xurídicas de dereito público ou privado, que queiran acceder á axuda e que se atopen vinculados con ela ou cos seus órganos directivos ou xestores, nin cando concorran nelas ningunha das prohibicións previstas no número 7º do artigo 27 da Lei 9/2007 e no número 2º do artigo 43 do seu Regulamento de desenvolvemento.
- Que autoriza ao órgano xestor para que recade a información necesaria para coñecer se o solicitante está ao día, nas súas obrigas coa Axencia Estatal da Administración Tributaria, coa Tesouraría da Seguridade Social ou coa Facenda da Administración da Comunidade Autónoma de Galicia. De non dar a autorización para a comprobación do mencionado anteriormente, deberá presentar certificación xustificativa de estar ao día coas súas obrigas cos organismos sinalados anteriormente.
- Autorización ao órgano xestor para que recade certificado emitido pola Axencia Tributaria onde se especifiquen os IAE nos que a entidade está dada de alta para este ano. De non dar a autorización para a comprobación do mencionado anteriormente, deberá presentar certificación xustificativa onde se especifiquen os IAE nos que está inscrito.



**XUNTA DE GALICIA**  
CONSELLERÍA DE ECONOMÍA  
E INDUSTRIA

Avelino Pousa Antelo nº 5 (San Lázaro)  
15703 Santiago de Compostela  
Tif: 981 54 15 00



GOBIERNO DE ESPAÑA  
MINISTERIO DE INDUSTRIA, TURISMO Y COMERCIO



IDA Instituto para la Diversificación y Ahorro de la Energía



**A entidade colaboradora asume os seguintes compromisos:**

1. Mostrar nun lugar visible o logotipo da iniciativa e os soportes publicitarios facilitados e informar sobre esta, así como a retirar os logos e a publicidade unha vez peche o plan. Así mesmo, poderán incorporar na publicidade propia os logotipos do Plan Renove de Fiestras que se lle facilitarán para tal efecto. Na información comercial e publicitaria dos fiestas debe figurar obrigatoriamente de forma diferenciada o prezo antes e despois da subvención con cargo ao Plan Renove 2010.
2. Cubrir convenientemente os formularios de solicitude de axuda, incorporando os datos á aplicación informática habilitada para o efecto, e comprobar que o solicitante cumpre co establecido no artigo 9º, beneficiarios, das bases.
3. Vender no marco da iniciativa só os equipos que cumpran coas condicións establecidas no artigo 3º destas bases.
4. Instalar as fiestas no prazo de 120 días desde o día seguinte ao da reserva dos fondos e retirar as existentes e presentar no Inega a documentación que xustifique a instalación.
5. Aplicar os descontos correspondentes á subvención conforme o establecido nestas bases.
6. Facilitarlle ao cliente a instalación da fiesta adquirida.
7. Facilitarlle ao Inega canta información e documentación precise para verificar a correcta aplicación das subvencións.
8. Cumprir coa normativa establecida para o desenvolvemento do Plan Renove de Fiestras.

Sinatura do representante da entidade colaboradora

D/Dña:

\_\_\_\_\_, de \_\_\_\_\_ de \_\_\_\_\_

**No caso de adhesión ordinaria, débese xuntar ao presente formulario:**

1. Copia do NIF da entidade colaboradora en vigor.
2. Copia orixinal ou compulsada do documento acreditativo de poder suficiente.
3. Certificación orixinal ou copia compulsada, expedida pola entidade bancaria da titularidade da conta onde se realizarán os ingresos á entidade colaboradora.
4. Copia compulsada do derradeiro recibo do Imposto de Actividades Económicas (IAE) ou, se é o caso, declaración xurada de exención de pagamento.

**No caso da adhesión simplificada, e cando exista modificación ou actualización de datos respecto ao ano 2009, a entidade colaboradora deberá presentar a documentación necesaria para xustificar os devanditos cambios cos mesmos documentos requiridos no proceso de adhesión ordinaria.**

**Tal documentación farase chegar ao Inega remitíndoa a:**

Inega (Plan Renove Fiestras), Avelino Pousa Antelo, nº 5; 15703 Santiago de Compostela.

**O Inega facilitará as entidades colaboradoras adheridas a documentación necesaria e o material promocional do Plan Renove de Fiestras**

**LEXISLACIÓN APLICABLE:**

*Resolución do 27 de outubro de 2010 pola que se establecen as bases reguladoras para a concesión de subvencións en réxime de concorrencia non competitiva relativa ao Plan Renove de Fiestras, así como a selección de entidades colaboradoras que participarán na súa xestión, e se convocan para o ano 2010.*



Avelino Pousa Antelo nº 5 (San Lázaro)  
15703 Santiago de Compostela  
Tif: 981 54 15 00



ANEXO II

PROCEDEMENTO <b>AXUDA DO PLAN RENOVE DE FIESTRAS 2010</b>	CÓDIGO DO PROCEDEMENTO <b>IN412B</b>	DOCUMENTO <b>SOLICITUDE</b>
--	---	--------------------------------

DATOS DA ENTIDADE COLABORADORA

CÓDIGO ASIGNADO POLO INEGA NA ADHESIÓN	
NOME DA ENTIDADE COLABORADORA	NIF

DATOS DO COMPRADOR

Particular <input type="checkbox"/>	Empresa <input type="checkbox"/>	Concello <input type="checkbox"/>	Outros entes públicos <input type="checkbox"/>
NOME E APELIDOS			NIF
TELÉFONO	CORREO ELECTRÓNICO		

DATOS DA INSTALACIÓN

ENDEREZO DA INSTALACIÓN		PROVINCIA
CONCELLO	COMARCA	CÓDIGO POSTAL
REFERENCIA CATASTRAL	TIPO DE VIVENDA	

DESCRIPCIÓN DAS CARPINTARÍAS EXISTENTES QUE SE VAN RENOVAR

- A carpintaría que se vai renovar separa estancias calefactadas do exterior
- Non se renovan carpintarías existentes, senón que se instalan dobres fiestras

Superficie total de cada oco m <sup>2</sup>	Superficie acristalada do oco m <sup>2</sup>	Tipoloxía do marco	Tipoloxía do acristalamento	Tipoloxía do sombreamento	Sombreamento	Número de unidades

DESCRIPCIÓN DAS CARPINTARÍAS QUE SE VAN INSTALAR

Superficie total de cada oco m <sup>2</sup>	Superficie acristalada do oco m <sup>2</sup>	Tipoloxía do marco	Tipoloxía do acristalamento	Tipoloxía do sombreamento	Sombreamento: novo ou reutilizado	Número de unidades
Superficie total dos ocos m <sup>2</sup>						

A carpintaría que se vai instalar será subvencionable soamente se a superficie de cada oco é igual ou menor que a superficie do oco existente que se vai renovar.

O COMPRADOR DECLARA:

- Que os datos indicados son certos.
- Que coñece as bases do Plan Renove de Fiestras 2010 e cumpre con elas.
- Que a carpintaría se instalará na Comunidade Autónoma de Galicia antes dos 120 días naturais desde a reserva dos fondos.
- Que coñece as bases do Plan Renove de Fiestras e acepta a subvención do Inega autorizando a entidade colaboradora a indicada neste documento a percibir o importe da subvención.
- Que non se atopa dentro das causas de prohibición para ser beneficiario de subvencións públicas, segundo establece o artigo 10.2º y 3º da Lei 9/2007, do 13 de xuño, de subvencións de Galicia (DOG nº 121, do 13 de xuño).
- Que o obxecto da subvención non se dedica nin se adscribe a ningunha actividade empresarial ou profesional, ou no caso de ser Administración pública, que non pode repercutir o IVE (declaración responsable da exención do IVE).

No caso de non marcar esta declaración non se subvencionará o IVE





**XUNTA DE GALICIA**  
CONSELLERÍA DE ECONOMÍA  
E INDUSTRIA

Avelino Pousa Antelo nº 5 (San Lázaro)  
15703 Santiago de Compostela  
Tlf: 981 54 15 00



GOBIERNO DE ESPAÑA  
MINISTERIO DE INDUSTRIA, TURISMO  
Y COMERCIO

IDA  
Instituto para la  
Diversificación y  
Atena de la Energía



**Marque o que corresponda:**

- Que, para aqueles casos nos que a contía non exceda dos 3.000 euros, que se encontra ao corrente no cumprimento das obrigas tributarias e da Seguridade Social e non ten débedas coa Consellería de Facenda da Xunta de Galicia.
- Que autoriza o Inega para que solicite de oficio os certificados de estar ao corrente no cumprimento das obrigas tributarias e da Seguridade Social e non ten débedas coa Consellería de Facenda da Xunta de Galicia.

**A ENTIDADE COLABORADORA DECLARA:**

1. Antes de transcorridos 120 días naturais desde o día seguinte ao da reserva de fondos instalará as fiestras no enderezo que se indica neste anexo, retirará as existentes e presentará no Inega a documentación que xustifique a instalación.

**CONTÍAS DO INVESTIMENTO E DA AXUDA**

CONCEPTO	PREZO (euros)
Base imponible	
IVE (18%) / IVE (8%)	
TOTAL (base imponible + IVE)	
Desconto do Plan Renove de Fiestras	
Total que se vai cobrar ao cliente	

“O solicitante consente de modo expreso a incorporación e tratamento dos seus datos nos ficheiros informáticos de titularidade do Inega, coa finalidade de aplicar este programa de subvencións, así como para a realización de envíos informativos e de promoción que puidesen resultar do seu interese. Do mesmo xeito, consente de modo expreso que os seus datos poidan ser cedidos ao Inega para o seu uso con fins de envíos informativos ou promocionais e outras cesións previstas na Lei. O enchido dos cadros cos datos persoais ten carácter obrigatorio. O solicitante queda igualmente informado sobre a posibilidade de exercer os dereitos de acceso, rectificación, cancelación e oposición no enderezo do Inega Avelino Pousa Antelo nº 5, CP 15703 Santiago de Compostela, de acordo co artigo 5 da Lei orgánica 15/1999, de protección de datos de carácter persoal”.

Sinatura do COMPRADOR

Sinatura e selo da entidade colaboradora

D/Dna:

D/Dna:

Lugar e data

, de de

**Débase xuntar ao presente formulario:**

- Unha lista coas solicitudes realizadas e executadas das que achega a documentación.
- O citado formulario de solicitude da axuda asinado polo comprador e pola entidade colaboradora.
- Copia do NIF vixente do beneficiario.
- No suposto de que o beneficiario sexa unha persoa xurídica, ademais deberá presentar copia compulsada das escrituras de constitución da entidade así como o poder do representante legal desta.
- Xustificante orixinal ou copia compulsada do marcado CE da fiestra, entregándose o marcado CE de cada unidade de fiestra colocada ou a declaración CE de conformidade.
- Orixinal ou copia compulsada da factura xustificativa do cobro do investimento realizado emitida despois da colocación da carpintería, coas formalidades establecidas no artigo 10 das bases reguladoras.
- Orixinal ou copia compulsada perfectamente lexible, sen emendas nin riscaduras, de xustificante bancario do pagamento realizado polo beneficiario (transferencia bancaria, xustificante bancario de ingreso efectivo por portelo ou certificación bancaria) no que conste a identificación da persoa que realiza o pagamento, que deberá coincidir co beneficiario da axuda, a identificación da persoa, empresa ou entidade que recibe o pagamento e o concepto do pagamento.
- Fotografías que reflicten a situación anterior e posterior do lugar onde se realiza a obra e que xustifiquen graficamente o cambio das fiestras.

**Tal documentación farase chegar ao Inega remitíndoa a :**

Inega (Plan Renove Fiestras), Avelino Pousa Antelo, nº5; 15703 Santiago de Compostela.

**LEXISLACIÓN APLICABLE:**

Resolución do 27 de outubro de 2010 pola que se establecen as bases reguladoras para a concesión de subvencións en réxime de concorrencia non competitiva relativa ao Plan Renove de Fiestras, así como a selección de entidades colaboradoras que participarán na súa xestión, e se convocan para o ano 2010

Director do Instituto Enerxético de Galicia. Rúa Avelino Pousa Antelo, nº 5, San Lázaro 15703, Santiago de Compostela





Avelino Pousa Antelo nº 5 (San Lázaro)  
15703 Santiago de Compostela  
Tlf: 981 54 15 00



**DECLARACIÓN EXPRESA DOUTRAS AXUDAS POR PARTE DO SOLICITANTE**

Don/Dona  con NIF/NIE:   
 en representación da entidade:  con NIF:   
 con relación ao expediente

**DECLARA EXPRESAMENTE:**

1. Que en relación a outras axudas solicitadas ou concedidas **para este mesmo concepto** para os que se solicita subvención, declara o seguinte:

- Non se solicitou nin se concedeu ningunha outra axuda para este mesmo proxecto e conceptos para os que se solicita a subvención.
- Si se solicitou e/ou ten concedidas outras axudas para este mesmo proxecto e conceptos para os que se solicita esta subvención, e que se relacionan a continuación.

Axudas	Organismo	Importe da subvención (euros)	Disposición reguladora
Concedidas	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
Solicitadas	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>

No caso de ser beneficiario dalgunha axuda ou subvención para a mesma actuación deberá presentar a documentación necesaria para a súa valoración (resolución do organismo que concede a axuda, ...) para os efectos da súa concorrencia coa presente subvención.

2. Ademais, declara expresamente que **a citada entidade, no exercicio fiscal en curso e nos dous exercicios fiscais anteriores á solicitude de subvención**

- Non obtivo ningunha subvención ou axuda pública, por calquera concepto, suxeita ao réxime *de minimis*.
- Si, obtivo ou solicitou outras subvencións e/ou axudas públicas, por calquera concepto, suxeitas ao réxime *de minimis* que son as que de seguido se relacionan:

Axudas	Organismo	Importe da subvención (euros)	Disposición reguladora
Concedidas	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
Solicitadas	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>
	<input type="text"/>	<input type="text"/>	<input type="text"/>

E para que así conste ante o Instituto Enerxético de Galicia (Inega), asino esta declaración no lugar e data abaixo indicado.

Lugar e data

\_\_\_\_\_, de \_\_\_\_\_ de \_\_\_\_\_

(Sinatura e selo da empresa)



*ANEXO III***Convenio de colaboración entre o Inega e a entidade colaboradora... para a xestión de axudas relativas ao Plan Renove de Fiestras**

Santiago de Compostela, ... de... de 2010.

Dunha parte, o director do Instituto Enerxético de Galicia, en virtude das facultades que lle confiren os artigos 5 e 8 da Lei 3/1999, do 11 de marzo, de creación do Instituto Enerxético de Galicia.

Da outra parte..., con NIF..., actuando en nome e representación da entidade ... con NIF..., debidamente facultado para subscribir este convenio,

*EXPOÑEN:*

I. Que o Inega acordou realizar unha convocatoria de axudas dentro do Plan Renove de Fiestras para o impulso das medidas de mellora do aforro e a eficiencia enerxética, o fomento do uso racional da enerxía e, en xeral, á óptima xestión dos recursos enerxéticos nos distintos sectores económicos de Galicia.

II. Que ambas partes consideran que, por razóns de eficacia na xestión e co fin de conseguir unha mellor prestación de servizos aos beneficiarios das axudas, e de conformidade cos artigos 9 e 13 da Lei 9/2007, do 13 de xuño, de subvencións de Galicia, acordan subscribir este convenio de colaboración, de conformidade coas seguintes estipulacións:

*Primeira.-Obxecto da colaboración.*

O obxecto deste convenio consiste en establecer un marco de colaboración entre o Instituto Enerxético de Galicia e a entidade... para xestionar as axudas convocadas na Resolución do 27 de outubro de 2010, pola que se establecen as bases reguladoras para a concesión de subvencións en réxime de concorrencia non competitiva relativa ao Plan Renove de Fiestras, así como a selección de entidades colaboradoras que participarán na súa xestión, e se convocan para o ano 2010 (*Diario Oficial de Galicia* nº..., do... de... de 2010).

*Segunda.-Entidade colaboradora.*

A entidade... é unha entidade colaboradora que cumpre co establecido no artigo 7 da resolución pola que se establecen as bases reguladoras para a concesión de subvencións en réxime de concorrencia non competitiva relativa ao Plan Renove de Fiestras, así como a selección de entidades colaboradoras que participarán na súa xestión, e se convocan para o ano 2010, que acredita o cumprimento dos requisitos e as condicións de solvencia económica e técnica previstas nas bases reguladoras contidas na devandita resolución.

*Terceira.-Prazo de duración.*

Este convenio estará en vigor ao día seguinte á súa sinatura e estenderá a súa vixencia ata o 29 de outubro de 2011.

*Cuarta.-Obrigas da entidade colaboradora.*

A entidade colaboradora obrígase, ademais de ao establecido no artigo 7º das bases reguladoras das axudas, ao seguinte:

-Asumir a tramitación e xestión ante o Instituto Enerxético de Galicia das axudas dos beneficiarios.

-Comprobar e certificar o cumprimento das condicións ou requisitos establecidos na orde de axudas para que os solicitantes obteñan a condición de beneficiario, así como a idoneidade da documentación que se lles esixe para a percepción da subvención.

-Presentar as solicitudes das axudas dos beneficiarios xunto coa documentación xustificativa do desenvolvemento das actuacións no prazo de 120 días naturais desde o día seguinte á reserva de fondos, tal e como se recolle nas bases reguladoras.

-Comunicarlle ao Instituto Enerxético de Galicia calquera variación que se produza nos datos inicialmente fornecidos para adherirse a este convenio, garantindo a confidencialidade dos datos subministrados polas empresas beneficiarias.

-Cumprir as normas sobre confidencialidade de datos, concretamente a Lei orgánica 15/1999, do 13 de decembro, de protección de datos de carácter persoal e as normas que a desenvolvan.

-Reintegrar os fondos no suposto de incumprimento dos requisitos e das obrigas establecidas para a concesión da subvención e, en todo caso, nos supostos regulados no artigo 33 da Lei 9/2007, do 13 de xuño, de subvencións de Galicia.

-Atoparse sometida ás actuacións de comprobación e control previstas na letra d) do artigo 12 da devandita Lei 9/2007.

*Quinta.-Compromisos da entidade colaboradora.*

Ademais das obrigas e compromisos establecidos no artigo 7º das bases reguladoras do Plan Renove de Fiestras 2010, a entidade... declara:

a) Coñecer o contido destas bases e do convenio e que cumpre cos requisitos establecidos nelas.

b) Que ten o domicilio social ou centro de traballo na Comunidade Autónoma de Galicia.

c) Que posúe a solvencia técnica e económica segundo o establecido no artigo 7º das bases reguladoras.

d) Que consente expresamente a utilización de medios electrónicos na comunicación entre as entidades colaboradoras e o Inega segundo o establecido no artigo 27 da lei 11/2007, de 22 de xuño, de acceso electrónico dos cidadáns aos servizos públicos.

e) Que non se atopa incurso en ningunha das prohibicións para obter a condición de entidade colaboradora recollidas nos números 2º e 3º do arti-

go 10 da Lei 9/2007, do 13 de xuño, de subvencións de Galicia.

f) Que non actuará coma entidade colaboradora daquelas persoas físicas ou xurídicas de dereito público ou privado, que queiran acceder á axuda e que se atopen vinculados con ela ou cos seus órganos directivos ou xestores, nin cando concorran nelas ningunha das prohibicións previstas no número 7º do artigo 27 da Lei 9/2007 e no número 2º do artigo 43 do seu regulamento de desenvolvemento.

g) Que comunicará ao Inega calquera variación que poida acontecer nos datos recollidos nos documentos achegados.

h) Que autoriza ao órgano xestor para que recabe a información necesaria para coñecer se o solicitante está ao día nas súas obrigas coa Axencia Estatal da Administración Tributaria, coa Tesouraría da Seguridade Social ou coa facenda da administración da Comunidade Autónoma de Galicia. De non dar a autorización para a comprobación do mencionado anteriormente, deberá presentar certificación xustificativa de estar ao día coas súas obrigas cos organismos sinalados anteriormente.

i) Autorización ao órgano xestor para que recabe certificado emitido pola Axencia Tributaria onde se especifiquen os IAE nos que a entidade está dada de alta para este ano. De non dar a autorización para a comprobación mencionada anteriormente, deberá presentar certificación xustificativa onde se especifiquen os IAE nos que está inscrito.

#### Sexta.-Obrigas do Instituto Enerxético de Galicia.

O Instituto Enerxético de Galicia obrígase a pagar á entidade colaboradora a cantidade correspondente por cada proxecto concedido na resolución das axudas con cargo á cantidade máxima destinada para esta convocatoria de axudas de 1.840.775 euros, percibida a través do Convenio marco de colaboración entre o Inega e o IDAE, para a definición e posta en práctica das actuacións contempladas no Plan de acción 2008-2012, (PAE4+) da Estratexia de Aforro e Eficiencia Enerxética en España.

#### Sétima.-Xustificación dos requisitos dos beneficiarios.

A xustificación polos beneficiarios das condicións establecidas para o outorgamento das subvencións e que realicen operacións de compravenda de subvencionadas polo Plan Renove de Fiestras 2010 coa entidade..., realizarase no momento da venda, e a entidade atópase obrigada a requirir aos beneficiarios a documentación establecida nas bases, así como a comprobar a mesma e a gardar a devandita documentación mentres se atope vixente o Plan Renove de Fiestras 2010.

#### Oitava.-Rexistro especial de operacións.

A entidade..., para facilitar a axeitada xustificación da subvención e a comprobación do cumprimento das condicións establecidas nas bases regula-

doras do Plan Renove de Fiestras, levará un rexistro especial das operacións que se realicen dentro do Plan Renove de Fiestras, que estará a dispor do Inega e demais órganos fiscalizadores da Comunidade Autónoma de Galicia.

Neste rexistro se gardará unha copia da documentación xustificativa das operacións rexistradas no Plan Renove de Fiestras, así como da documentación que lle entreguen os beneficiarios.

#### Novena.-Requisitos da entidade e dos beneficiarios.

Os requisitos que debe cumprir e facer cumprir a entidade colaboradora nas diferentes fases do procedemento de xestión das subvencións, son os que se especifican nos artigos 7º e seguintes das bases reguladoras do Plan Renove de Fiestras.

#### Décima.-Xustificación das subvencións.

Os beneficiarios xustificarán as subvencións, a través da entidade colaboradora, nos prazos e na forma previstas no artigo 10º das bases reguladoras do Plan Renove de Fiestras.

#### Décimo primeira.-Causas de resolución.

Son causas de resolución deste convenio entre o Inega e a entidade colaboradora, o incumprimento total ou parcial dalgunha das estipulacións contidas nas súas cláusulas ou no articulado da resolución de axudas, sen prexuízo da tramitación dos compromisos adquiridos con anterioridade sobre expedientes en curso, así como a falsidade ou inexactitude nos datos e documentos achegados polas entidades colaboradoras.

#### Décimo segunda.-Incumprimento.

Se no curso das verificacións que realizará o Inega, se detectase que a entidade colaboradora incumprise algunha das condicións establecidas no Plan Renove de Fiestras, resolverase a adhesión, o que implicará a perda dos beneficios e, de ser o caso, se decretará a obriga de que lle reintegren ao Inega as cantidades obtidas indebidamente cos xuros legais que correspondan, sen prexuízo das accións legais e sancións que correspondan.

Cando se realizaran descontos por parte do establecemento adherido en concepto de axuda obxecto deste plan a titulares dunha solicitude e se comprobara posteriormente por parte do Inega, que non se cumpriran as condicións establecidas para recibir a devandita axuda por parte dos beneficiarios ou, se é o caso, se comprobara que houber incumprimentos pola entidade colaboradora das bases da convocatoria, a entidade asumirá os devanditos descontos, non podendo reclamálos ao Inega.

Ademais, o incumprimento por parte da entidade colaboradora adherida consistente en aprazar o pagamento da axuda ao cliente final ata despois de que o Inega llo ingrese a el, en lugar de descontalo no momento do pagamento, supoñerá o incumpri-

mento destas bases coas consecuencias previstas nesta cláusula.

*Décimo terceira.-Natureza administrativa.*

Este convenio ten natureza administrativa e considérase incluído no artigo 4.1º d) da Lei 30/2007, do 30 de outubro, de contratos do sector público, polo que queda fóra do ámbito da súa aplicación, sen prexuízo da aplicación dos principios e criterios desta lei para resolver as dúbidas e lagoas que puideren presentarse. Rexeráse polas súas propias cláusulas e, supletoriamente, polas normas xerais do dereito administrativo. O Instituto Enerxético de Galicia posúe a prerrogativa de interpretar o convenio e resolver todas as dúbidas que ofrezca o seu cumprimento. Os acordos correspondentes porán fin á vía administrativa e serán inmediatamente executados, sendo impugnables ante a xurisdición contencioso-administrativa.

*Décimo cuarta.-Normativa reguladora especial.*

Para todo o non previsto neste convenio, observárase o previsto na Lei 9/2007, do 13 de xuño, de subvencións de Galicia; no Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia; no Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares; na Lei 4/2006, do 30 de xuño, de transparencia e de boas prácticas na Administración pública galega, así como no Regulamento (CE) 1998/2006, da Comisión, do 15 de decembro, relativo á aplicación dos artigos 87 e 88 do Tratado ás axudas de *minimis*, e normativa concordante.

Polo Instituto Enerxético de Galicia, Pola entidade colaboradora...

Eliseo Diéguez García  
Director do Inega

A entidade colaboradora deberá enviar ao Inega, 2 copias asinadas (unha devolveráselle asinada polo director do Inega e outra quedará en poder do Inega).

Remítirase impreso ao Inega (Plan Renove Fiestras), Avelino Pousa Antelo, nº 5, 15703 Santiago de Compostela.

## UNIVERSIDADE DE VIGO

*Resolución do 15 de outubro de 2010 pola que se publica o plan de estudos da titulación de grao en Relacións Laborais e Recursos Humanos.*

Obtida a verificación do plan de estudos polo Consello de Universidades, logo de informe positivo da

Axencia Nacional de Avaliación da Calidade e Acreditación, acordado o carácter oficial do título por acordo do Consello de Ministros do 30 de outubro de 2009 (publicado no BOE do 5 de xaneiro de 2010, por resolución da Secretaría de Estado de Universidades do 13 de novembro de 2009), e para efectos de cumprimento do previsto no artigo 35.4º da Lei orgánica 6/2001, do 21 de decembro, de universidades, e na redacción dada pola Lei orgánica 4/2007, do 12 de abril, que establecen que os reitores e as reitoras das universidades deberán ordenar a publicación no *Boletín Oficial del Estado* (BOE) e no *Diario Oficial de Galicia* (DOG), neste caso, do primeiro inciso do punto 5.1 da Memoria para a solicitude de verificación de títulos oficiais, segundo o anexo I do Real decreto 1393/2007, do 29 de outubro, segundo comunicado do 14 de outubro de 2008 da Subdirección Xeral de Coordinación Académica e Réxime Xurídico do Ministerio de Ciencia e Innovación, relativo á estrutura das ensinanzas, e segundo o artigo 26 do Real decreto 861/2010, do 2 de xullo, esta reitoría

### RESOLVE:

Publicar o plan de estudos conducente á obtención do título de graduado ou graduada en Relacións Laborais e Recursos Humanos pola Universidade de Vigo, que se recolle no anexo a esta resolución.

Vigo, 15 de outubro de 2010.

Salustiano Mato de la Iglesia  
Reitor da Universidade de Vigo

### ANEXO

#### Plan de estudos da titulación de grao en Relacións Laborais e Recursos Humanos pola Universidade de Vigo

Denominación do título: graduado ou graduada en Relacións Laborais e Recursos Humanos pola Universidade de Vigo.

Rama de coñecemento a que se adscribe o título (Real decreto 1393/2007, do 29 de outubro): Ciencias Sociais e Xurídicas.

Código da titulación: V08G210 (Facultade de Ciencias Xurídicas e do Traballo. Campus de Vigo).

Distribución do plan de estudos en créditos ECTS:

Tipo de materia	Créditos ECTS
Formación básica	60
Materias obrigatorias	138
Materias optativas	36
Inclúe prácticas externas: prácticas en empresas (6 ECTS optativos)	
Traballo de fin de grao	6
Total	240